

DPN 6668

विराग मार्ग (महाप्रज्ञा सार द्रव्य)

Title :

VIRĀGA MĀRGA (MAHĀ PRA GNĀ SĀRA DRAVYA)

Run. No. 7394

Cat. No.

Micro. No.

Subject दर्शन Philosophy

Religion : Hindu / Bauddha

Language : Skt. / New. / Nep. / Skt.- New. / Maith.- New. / New.- Nep. /

Size in cms. 33.7 X 10.5

Folios 24

Lines (in a page) 6

Compl. / Incompl.

Chapt. / act /

Author / translator महाप्रज्ञा मिश्र Maha Pragna Vikshu .

Scribe / donor

Date: NS / SS / VS / KS 1994, B.E. 2481

Ruler / place

Script : New. / Dev. / Bhuj. / Ran. /

Illus. : नेवाः भायुयात नेमपाली भाषा धयातः गु

Material : palmleaf / paper / thyasaphu / Printed

Condition : fine / damaged by worms, rats, water /

Beginning, colophon, post-colophon :

Beg. शास्त्रा च लोक जगते करुणा वतारी । मोक्षाकार नमपथे गथे पूराचिन्दु ॥

P.T.O.

Col. बुद्धं प्रशंसितं ज्ञानं, एव हे मूलं तत्त्वं । मानि भाषानुलेखक - महाप्रज्ञा
मिक्षु ॥ ८३ ॥

इति विराग मार्गः = महाप्रज्ञां सारं द्रव्यं संक्षिप्तं समाप्तम् शुभम् ॥


मनुष्या जन्ते सुसंयोगे

Beg. नमो बुद्धाय । नमो धर्माय । नमो संघाय । नमो रत्नत्रयाय ।

बुद्ध धर्म संघराजं गुरुं माता पिता भूति ।

पञ्च गुरां मते लोका , पञ्च अंगं नमो नमः ॥

Col. इति अष्टादश लक्षणां गुरां वंशानां जगत् हिताय च , लोकोत्तरं सोपानं
अति महाप्रज्ञा मिक्षु दो प्रज्ञा अमृतं आनन्दो र निम्नं जाना ।



विराग मार्ग

(महाप्रज्ञा सार द्रव्य)

नेमपाली भाषां प्रकाशित.

प्रज्ञाचैत्य महाविहार;
त्रिपाई-कालिम्पोङ्ग;

बौद्ध सम्मत—२४८१
वि०—१९९४,

लेखक वो प्रकाशक—
श्री महाप्रज्ञा भिक्षु,

हिमाल बौद्धधर्म प्रचार; कालिम्पोङ्ग;

॥१॥

(किराग मार्ग महाप्रज्ञा सार द्रव्य) ।

नमो बुद्धायः ।

नमो धर्मायः ।

नमो सद्भायः ।

नमो रत्नत्रयायः ।



शास्ता ध्व लोक जगते करुणावतारी । भोक्ताकार नभ पथे गथे पूर्णचन्द्र ॥ ज्ञाने व सागर समं फुक धर्मज्ञात
। लोके व उत्तम मुनी शिर नं नमस्कार ॥१॥ सोपान अ-मल लोक त्रिदशालये या । संसार सागर समुत्तरणार्थ सेतु

॥२॥ ॥ सर्वांगतो भय विवर्जन जीगु मार्ग । नमो धर्मरत्न, बुद्धं लवीका विज्यागु ॥२॥ बीगू व अल्प जक जुसां प्रसन्न चित्तं
। दैगू व रत्न नर यो फल मूल दानं ॥ दशबलं प्रशंसित गु गु पुण्य क्षत्र । चित्तं नमो उगु सदा गु गु भिक्षु सङ्घ ॥
३॥ तेज्या बलं अति महान त्रिरत्न यागु । त्रिलोक या जन जुई गु गु लीं व मोक्ष ॥ त्रि-रत्न सम मेव मदु मोक्षदाता
। तस्मात् सदा भजन या रतनत्रयं भो! ॥४॥ श्रेष्ठाकार परहितार्थ सु-भाव चित्त । करुणावतार गु ह्यथन उपदेश
दाता ॥ यायोह्य बोध लोक हित गु ण रूप शास्ता । सदां महोगुरु मुनि शिरसा नमामि ॥५॥ सत्तोपकार निरत
कुशल सहाय । चित्ते प्रमाद रहितं सुखी शान्तरूपी ॥ दुर्लभ थुजाह्य गुरु जा गु ण रूप कान्ति । माला व लवीकि

॥३॥

जगते मदुगू मखू ह्मां ॥६॥ उत्तमगु धर्म शरणं सुखी सान्ति लोके । रत्नाति रत्न थ्व धर्म अतिकं महान ॥ धर्माचरण
कर्तव्य नरया थ्व देहं । धर्मे जकं त्रिभव दुःख विनाश जीगू ॥७॥ मोहादि त्याग मन नं सुविचार यावो । अनित्य,
दुःखादि अनात्म भाव ॥ प्रेमादि रति त्याग लुके थ्व मोह । जीर्ण असार शरिरे अतिकं भयङ्कर ॥८॥ यांगू कन्हे
इति धका समयादि नास्ति चित्तं थ्व ज्ञान खनका थन धर्म यांगु ॥ धर्मे मज्जीगु गु बलें, अलशी, अवीर्य । सुंहे
थ्व लोक जगते मदु म्वांगु आशा ॥९॥ क्षित्तो यथा—नभ पथे छुं किञ्चि वस्तु । भूमी हनं पतन उगु जीगू अवश्यं
॥ लोके सदा मदु ध्रुव वने मा अवश्यं । मरणार्थ हे थन सत्त्व जुल प्राणि जात ॥१०॥ कामं पतन जी नर यथा

॥४॥ पर्वतं च्वं । मध्ये मद् यत्किञ्चि भय तोरणार्थं ॥ त्रिलोक सत्त्व जुक् अवश्यं तद्रूप । भोगे रत्यादि त्वलती मद
मान आदि ॥११॥ मेघं यथा—जल-वृष्टि महान वर्षा । लोकं तथा—जुड अन्त महा भयङ्कर ॥ कालं नया च्वनअहो !!
स्वव ध्यान याता । चिचिमचि-दन शखे ! स्वव लोक-धर्म ॥१२॥ तीरे व सागर सिथे व तरङ्ग माला । पर्वतसमं वड
हनं पुनःनाश भ्रष्ट ॥ तथा—भयं व्याप्त थ्व लोक-धर्म । वैगू हनं पुनःनाश जुया वनीगु ॥१३॥ जीर्णादि रोग सहचर
सशैव्य मार । निर्वाध्य भीम बलवान् मरणान्तकाले ॥ वृषभं यथा—क्षत्रं यायीगु मन्थन् । तद्रूप यागु व मृत्युं
दक् लोकफुकं ॥१४॥ समुज्ज्वल प्रदीप अत महा वायु द्वारा । यागू विनाश सदृशं यम काल भीमं ॥ सत्त्वे महा भय

॥५॥

थन बल लित्तु-लीना । जोना नयाव यमनं थन प्राणिआयु ॥१५॥ रामार्जुन नृपति गु लि युक्त शक्ति । दैत्यादि
रण मुखे जुल मूर-वीर ॥ इन्द्रादि देव दक्-फुकं अति भीम जूसां । अन्ते व काल या हस्तं मफु मुक्त ज्वीगु ॥१६॥
लक्ष्मी हनं गृह, क्षत्र, वस्त्रादि मुक्ता । सम्पत्ति राज्य अनगिन्ति अपि रूप शोभा । इष्टादि मित्र सहितं थव पुत्र-
दारा । सुनं मदु अनुचर मरणान्तकाले ॥१७॥ ब्रह्मा सुरासुर गणा महानुभावा । गन्धर्व किन्नर महोरग राक्षसादि ॥
अपीं सुधां सकल काल यागु हस्ते । ज्वीवो उथां क्षय आयु यम या अहोर ॥१८॥ रोगी निरोगी थन युवा व वृद्धा
। बालख धका मदु दया मृत्युराज पापी ॥ यथा—वने वन अग्नि फुक ध्वंशकार । तथा—ध्व लोक नल ह्मां खनला ?

॥६॥ थ्व कालं ॥१६॥ सागर कदापि जुइ मखु लखं गागु भाव । अग्नि मधा गात धका, न्याक काष्ट दूसां ॥ भो निर्दई
यमराज ! नल छं त्रिलोक । एनं मजा विकट-कोष थ्व छंगु प्वाथ ॥२०॥ भो मोह मोहित नर ! गुलि आलसी पीं
। भीमाति भीम बलवान्, काल यागु हस्ते ॥ चञ्चल् चपल् स्वप्न, सम लोक मोयां । यागु सुखैगु ललसा, गुलि
मूर्ख दृष्टि ॥२१॥ मात्रेक मृत्यु, अभिमन्थक न्हें त्रिलोक । छं हां थ्व मोहनस युक्त मरणानुयायी ॥ स्वप्ना समान
सकतां, स्वयं ज्ञान चक्षु । दैगू मखू थन सुनं, उपकार दाता ॥२२॥ नित्यातुरं सुपीडित, स-भय स-शोक । व्याधि
जरा मरण या, भय ज्वीगु प्रायः ॥ खड्का सुनं भय मका, गुलि अन्धभूत । ध्यानं सदा मन-मिखां, स्वयं माल ज्ञानं

॥७॥

॥२३॥ कालं सदा थुगु लोक, जुयकाव बृद्धा । लोक त्रय विनाशार्थ, मचागूव ठाकू ॥ चा ह्नि मधा थन सधां,
वल काल व्वां व्वां । सो सो लिफः थ्व खँ न्यना, थन काल वोगु ॥२४॥



॥८॥

मरणानुस्मृति—

यांगू विचार मरण-भार विवर्जनार्थ । लोके सदा थ्व सकल सत्त्व, मरणं अवश्यं ॥ चित्ते सदा थुगु कथं,
गुह्य जी विचारी । तृष्णा वनी क्षय जुया, फुक हे अशेष ॥२५॥

शरीरे असार ता—

प्रेमीगु काय क्रमशः, जरां जीर्ण यात । रोगं थ्व काय बल फुक, झुवत वं सुकावो ॥ नाना प्रकार जतनं
तयागु स्व काय । श्यंकै वया उह्य काल, लिमला फलानं ॥२६॥ कर्म सदा थ्व शरीर, पुतुमुत्तुप्वीका । नानाप्रकार

॥९॥

हलनं वइ रोग न्ह्याना ॥भो भो शखे ! सकसिनं त्वलति प्रमाद । दुःगोदयं सुख मदु नरया प्रमादं ॥२७॥ भोगादि
सुत बान्धव थन पुत्र दारा । क्षत्रादि वस्तु हकनं फुक थःगु धाक्कं ॥ सर्वाभिरति आदि, मखूपकारी । मात्रेक
पुण्य बल हे, सुख शान्ति दाता ॥२८॥ चञ्चल् चपल् बिजुली सम लोक-धर्म । संसार सागर विचे, थुगु काय द्वाडा
॥ वोयो पूर्वकृत फसं कयाव पुयकै । तस्मात् थ्व ज्ञान-चतनं, भिनकं विचाया ॥२९॥ सदां थ्व काय विभङ्ग
सम मृति भाण्ड । सम्भाल न्ह्याक दतसां, जुइगू विनाश ॥ सो सो ! थ्व काय थनहे, जुइ योगु नाश । सीकाव
त्याग मननं, धर्मे हुँ शरण ॥३०॥ प्रेमं सु-युक्तगु देव, रमणीय स्वर्गे । पवीवं व पुण्य सुख द, च्युत जीगु हानं

॥१०॥

॥ देवादि नर लोक, फुकहे तद्रूप । प्रज्ञा दुम्हं व सुखैत, दुःख मात्र भापी ॥३१॥ रूपे थ्व लोक जननं, प्रिय भाव याता । नारी स्व-प्राण समनं च्वनगू थ्व लोक ॥ आशक्त मोह स दुना, जुवगू प्रमादं । भो मोह-मोहित नर भवराग प्रेमी ॥३२॥ अन्ते थ्व प्रेम लुमना, नरदेह तोतै । प्रेमं चिना हितुहिना, कुटुंकैगु नर्के ॥ दुःखाति दुःख अतिकं दुःख भोग यायी । कां तं ह्म दुःखि या मने, जुइथें तद्रूप ॥३३॥ उत्तम-लोह मनुष्यं, ज्वनेगू मने ज्वी । सर्पादि विष युक्त मरणान्तकारी ॥ कांगू व शक्ति दुगु ज्वी, नरं प्रेम याता । ज्ञानी थ्व दुःख शरिरे, मफु प्रेमयांगू ॥३४॥ मृत्यु समं भय अन्य मदु प्राणिपितः । व्याधी समं सकलैत मदु अन्य दुःख ॥ जरा समं सत्रु मदु

॥११॥

व विरूप दाता । एनं थ्व लोक जनपी, मन मोह जूगू ॥३५॥ स्वाधीन मदु शरीर, अनाधीन्, असार । त्यक्त बृत्त कदली व सम ज्वीगु काय ॥ यातागु पोषण बलं, थुगु काय यातः । एनं अधोर मदुगु, मरणान्तकाले ॥३६॥ पीजा या सदृशं, थुगु पञ्च तत्त्व । सपेंगु 'गः' सम थुके, च्वनगू व काल ॥ जीर्णं महा भय प्रद, थुगु हे स्व काय । सोया खना खुसि भाव, जुइह्म सु ज्ञानी ॥३७॥ आयु क्षयं फुत थ्व काय क्षणे क्षणे सं । वोगू व काल सतिना स्वव ज्ञान द्वाष्ट ॥ थ्यनला छुखें मस्यु शखे ! थ्व चिन्तनीय । हाला ख्वयां न त्वलतै, थन अन्तकाले ॥३८॥ प्राणान्त जूह्म नर या व दीर्घायु आशा । दीर्घायु जूह्म नर या, जुइ जीर्ण या मे ॥ एवं तथा निख्यरनं, जुइ दुःख मात्र

॥१२॥ ॥३६॥ दुःखान्नि या प्रबलतां, परिपीड जूषीं । लोके ध्व सत्त्व अतिकं, प्रज्वलीत जूगु ॥ किंचापि हे कुशल-
 कर्म मयागु निम्ति । भो लोक ! आः खुनु दना कुशले रते जु ॥४०॥ तृणाग्र या जल बिन्दु सम महानु भोग ।
 दुःखाल्प सागर नीर सम सर्व लोके ॥ संकल्पना तदपि जीगु सुखाति चित्ते । दुःखाति दुःख अतिकं, मस्य
 प्राणि पीसं ॥४१॥ स्वीगुं ध्व काय पर लोक स वैगु नास्ति । एनं ध्व मूर्ख जन नं, तथा जूगु स्नेह ॥ काये सदां
 मल पूर्ण, घृणा युक्त लोके । तथापि भो नर लोक, शरीरार्थ दुःख ॥४२॥ देहे सु-भाव रहितं, जुल भूठ संज्ञा ।
 ममता यथा—नम पथे विजुली समानं ॥ तोता प्रमाद सकसिनं, जुव भावना स । जीगू क्षयाश्रव वहे अनात्म

॥१३॥

भाव ॥४३॥ लालादि रक्त विष्टाश्रु वसानुलित । एवं ध्व देह लोके, अतिकं असार ॥ चाण्डाल या घट समं,
 अशुचीं पुरागु । रक्षा व यागु नर नं, निन्दनीय काय ॥४४॥ प्यंगू व सागर लखं, शुगु काय श्यूसां । पर्वत्
 प्रमाण अपालं सुगन्धं व बूसां ॥ तथापि काय गुबले शुचि जी मखूगु । रक्षा ह्यु यांगु गुण ह्यु ? , मल युक्त काये
 ॥४५॥ देहे व हे बध-बन्धनगु रोग शोकं । देहे व हे नव-द्वार परिभिन्न गन्ध ॥ देहे व हे विविधा शुचिगु वस्तु
 पूर्ण । देहे मदु निर्भयगु, फुक दुःख-दायी ॥४६॥ विष्टा व मुत्र दुगु थें, वहिर्दर्श जूसा । माता पिता सकसिनं
 त्वलतीगु माया ॥ पुत्रादि दार सकले तथा भाव यायी । घृणां अ-प्रेम जुडगु, जगते ध्व काय ॥४७॥ देहे दुगु

॥१४॥

नव-द्वार , कृमि यागु ड्येंस । मांसाष्टि श्वेद रुधिरं , अतिकं दुर्गन्ध ॥ प्रेमं सदा सु-पोषित , कृत काय देह ।
कालं वया खुशि मनं , अहो ! साक नैगु ॥४८॥ गण्डोपमा विविध-रोग निवास भूत । काये सदा रुधिर मुत्र विष्टां
श्व पूर्ण । जीगु प्रमोह नरया , श्व शृगाल भक्षे । इच्छा जुई पुनः पुनः भव जन्म जीगु ॥४९॥ भो ! फेन उपमा ,
थुगु सार हीन । विष्टा समं थुगु सदा प्रतिकूल गन्ध ॥ सर्पोपमा थुगु काय , दुःख वो भयादिं । श्व देह सदा
लवण-घट थें व भग्न ॥५०॥ दुर्गन्ध , रोग , स-मलं , परिपूर्ण होनं । जरा , मृत्यु- विष पूर्ण , गुण नास्ति काय ॥
भो लोक ! तुच्छगु काय , छु शोभनीय ? देहे विदर्शन-ज्ञान सु-विरागर्ग ॥५१॥ अनित्य , दुःख , असार , अशु-

॥१५॥

भादि काय । सदां मदु श्व शरीर , गुलि यांगु स्नेह ॥ अल्पाति अल्प रति मात्र , सु-सार नास्ति । धर्मे सदा
स्मृति तया , करणीय कार्य ॥५२॥ माया-मरीचि सम जुल , पुनः फेन-काय । सदां श्व थीर मखु ह्नां , हितु जक
ह्यूगू ॥ स्कन्धादि पञ्च व , षडेन्द्रिय सार हीन । खंका सदा श्व नुगलं , जुव मुक्त लोकं ॥५३॥ कर्मे सदा परि-
वेष्टित व दुःख भोगी । चित्तं श्व लोक प्रवलं , परिग्राह धारी ॥ तोतै मखू गन तक्क , ज्वना तःगु चित्तं । कदापि
सुख सी धांगु मदु न्हे श्व आशा ॥५४॥ मूर्खे यथा-श्व शरीर , सम फेन पात्रे । चित्तं मरीचि (जल) पान व
यांगु इच्छा ॥ भो भो ! मरीचि जल मखूगु , ज्ञान सीकि । केवल व सूर्य उष्णं खनगू मरीचि ॥५५॥ थःहे थुके

॥१६॥

थ्व शरिरे, दुगु धांगु नास्ति । थःमं विकल्पित रूप, गथे धांगु आस्ति ॥ 'जिगू' थ्व काय जुलसा, मयोथें मज्जीगु । तथा अरूप मननं, मदु थःगु यत्थें ॥५६॥



॥१७॥

प्रत्युत्समुत्पाद—

चत्तुं हे छुं मखन सा, मदु रूप धांगु । श्रोतादि इन्द्रिय तथा—विन नास्ति शब्द ॥ चत्त्वादि इन्द्रिय तथा—रूपादि विषय । संयोग हेतु निमित्त थ्व, जुल चित्त जात ॥५७॥ रूपैगु हेतु थ्व हे चत्तु, शब्दैगु श्रोत । गन्धैगु हेतु थ्व हे घ्राण, रसैगु जिह्वा ॥ सीतोष्ण, स्थूल व सूक्ष्म, धुलि यागु हेतु । बाह्ये अभ्यन्तर शरीर जुल काय लोके ॥५८॥ इन्द्रियादि पञ्च दुगु हेतु, रूपादि पञ्च । स्थूगू थ्व हेतु इत्यादि, उभयैगु योगं ॥ गतागतैगु हेतु, थ्व हे मनयागु तत्त्व । पञ्चेन्द्रियादि हे हेतु, गत यागु स्मृति ॥५९॥ अनागतैगु नं हेतु,

॥१८॥

तथा-भाव सीकि । त्रि-हेतु यागु प्रभाव जुल मूल लोक ॥ थ्व हे परस्पर हेतुं, जुल लोक वृद्धि । प्रज्ञा विना थुगु हेतु, ज्ञान धैगु नास्ति ॥६०॥ हेतुं विना दइमखु, दक फुक लोक । था सा विना मदु शब्द, यथा--न्यागु वाद्य ॥ संस्कार या हेतु मूल, जुल ह्नां अविद्या । उत्पत्तिष्ठिति जुयाव, पुनः नाश ज्यौगु ॥६१॥ (१) सत्त्वे त्रिकाय कार्य स मदु ज्ञान स्मृति । (२) यानागु कार्य छुकिया निम्तैगु चित्त ॥ रागं ला, द्वेषं ला, अथवा व मोहं ? । थ्व नं मदु अन ज्ञान, कार्येगु समये ॥६२॥ (३) मागु हनं सु-विचार, थनयागु मूल । तत्कर्म यागु फल रूप थ्व नं मस्यूगु ॥ थ्व हे त्रि-दोष दुगु यात, धागू अविद्या । अविद्यान्धकारं थुगु लोक दुःखी ॥६३॥

॥१९॥

थुजागु ज्ञान रहितं, जुल पुण्य पाप । अज्ञान वश् कृत कर्म, गुण शक्ति नास्ति ॥ यथा-मार्ग गामि नरया, मदु स्मृति पादे । देपा व जौगु चलने, गथे स्मृति नास्ति ॥६४॥ दुःखादि सुख ज्यौगु, नर नारि पित्त । संस्कार धागु जुल ह्नां, थुगु ज्ञान देकि ॥ संस्कार यागु प्रबलं, च्वने मागु गर्भे । गर्भे च्वनागु निमित्त थ्व दत्त 'नाम रूप ॥६५॥ सीका व च्वंगु मननं, गुगुखः व 'रूप' । रूपैत स्यूगु गुगुखः, उगु धागु 'नाम' । निगू थ्व गुगुखः दुगु, थुके यागु हेतुं । नेत्रादि इन्द्रिय खुता, दुगु ह्नां स्वभावं ॥६६॥ नेत्रादि इन्द्रिय दुगु, नर यागु देहे । रूपादि षड विषय, जुवगु व स्पर्श ॥ नेत्रं रूप खन, तथा-शब्द तागु श्रोतं ।

॥२०॥

तद्रूप षडेन्द्रिय सह, जुल योग स्पर्श ॥३७॥ इन्द्रियादि विषयया, यदा स्पर्श जीगु । स्पर्शेगु कारण जुया
सुख, दुःख, पेक्षा ॥ सुखादि दुःख उपेक्ष, जुल वेदना थ्व । वेदनानुभव जुया, दन कृष्ण-तृष्णा ॥६८॥
तृष्णा यागु प्रवल तां, उपादान जूगु । उपादान धैगु थ्वहे, लुमना च्वनीगु ॥ लुमना च्वनीगु मन हे, भव
जाल धागु । रूपादि शब्द व गन्ध, रस, स्पर्श, धर्म ॥६९॥ लुमनी विषय खुतां, छता न्हागु जूसां ।
थ्वहे धागु भवजाल, मन यागु ग्रन्थि ॥ साला यना पुनर्जन्म, अतिकं प्रदाता । थ्वहे उपादान शखे!
अतिकं भयङ्कर ॥७०॥ थ्वहे उपादान हेतु, पुनर्जन्म जूगु । जन्म जरा, मरण, सुख दुःख ना ना ॥ षडेन्द्रि

॥२१॥

यादि विषयं, पुनः जी अविद्या । संस्कार जी पुनः पुनः, उपरोक्त भावं ॥७१॥ जन्मेगु यदि नास्ति जी
अन दुःख शान्त । आःमागु छु? थुके यात, उपकार युक्ति ॥ स्मृत्युपस्थान बलनं, जुई प्राप्त विद्या ।
विद्या दया बहगुलीं, फुइगु अविद्या ॥७२॥ किम्बा मने स्मृति तथा, उपादान खंका ॥ त्रिलक्षण धागु,
शस्त्र, ज्वना युद्ध यांगु ॥ अनित्य, दुःख, थ्वलोक, मदुगु स्वयत्ये । थ्वहे ज्ञान त्रिलक्षण 'ह्रां' विर्शनेगु
॥७३॥ अविद्या, उपादान, थ्वनिगु मूल हेत्वी । हेतु छता, थुगु नित्तां, छता नाश च्चीव ॥ बाकीगु हेतु
दक-फुक, विनाश जीगु । थ्वहे उपाय जन्मेगु विनाश कर्ता ॥७४॥ अविद्या 'पिता' जुल भो! व तृष्णागु

॥२२॥

‘माता’ । तदुभयं जुल जात, उपादान ‘पुत्र’ ॥ थ्व हे मूल लोके जुल, मूल जन्म दाता । फुका थ्वपीं झ्वय
फुसा, जुइ मुक्त प्राप्त ॥७५॥ योंगु थ्व हे आचरण, गुरु बुद्ध वाक्य । सप्ततिं स बोधिपत्त, निर्वाण दाता ॥
तोति शखे ! भवजाल, थ्व महा कलङ्क । माला हिला दुःख सिया, स्वत सा थ्व देगु ॥७६॥ पीजा समान थ्व
काय, अतिकं असार । स-हेतु मरीचि समं, सियका ‘विज्ञान’ ॥ तत्वैगु हेतु जक धका, थुइका स्व काय ।
विश्वास नाश जुयवं, मखु इन्द्रजाल ॥७७॥ धर्मे सदा निरतपीं, महा साधु ज्ञानी । धर्मे थ्व हे प्रणिधिनं,
शुभ कर्मयांगु ॥ चित्ते सदा स्मृति तेगु, थो विराग मार्गे । आरोहणे क्रमशः ‘हां’, बल वीर्य योंगु ॥७८॥

॥२३॥

सदा प्रवर्दितं अन, गुलि दुःख श्यूगु । आनं महा दुर्लभगु, थ्व हे ज्ञान धागु ॥ माला हिला दुःख सिया,
कयागु थ्व ज्ञान । चोया अहो-रात्र थुगु विराग मार्ग ॥७९॥ अमृत ज्ञान थुगु धका, हितार्थ लोक । सीका ज्वनी
सिल धासा, भव तारनार्थ ॥ भापा मन तया, सकलैगु निम्ति । मयांगु गुप्त जगते, थ्व ज्ञान-रत्न ॥८०॥ गयां
बोधि मूले, थुगु महा ज्ञान खंका । जुया विज्यात अन हे, नरसिंह-बुद्ध ॥ लोके थ्व ज्ञान जुल लोप, सुबोधिरत्न
। आः प्राप्त जुल बल्ल बल्ल, महा सुयोगं ॥८१॥ ध्याने च्वना मन तया, स्मृति ज्ञान-नेत्रं । स्वेगु शखे ! सकसिनं
थ्व विराग मार्गे ॥ खं सा अवश्य खँक सें, सत्य-धर्म सियका । निर्वाण मार्गे प्रबल ज्वी चित्त तत्व ॥८२॥

॥२४॥

पाथ्यांगु मन तयी गुह्यसं थ्व पाथे । मुक्तैगु बीज अवश्यं, उह्य यात दैगु ॥ बुद्धं प्रशंसित ज्ञान, थ्व हे मूल
तत्व । मात्रि भाषानुलेखक— महाप्रज्ञा भिक्षु ॥८३॥

इति विराग मार्ग = महाप्रज्ञा सार द्रव्य संहित समाप्तम् शुभम् ॥ सर्व मङ्गलं भवन्तु ते ।
बुद्ध सम्बत—२४८१ ; विक्रम सम्बत—१६६४ साल स । प्रज्ञा चैत्यमहाविहार, त्रिपाई कालिम्पोङ्ग स
हिमालय बौद्ध धर्म प्रचारक —

योगावचर श्री महाप्रज्ञा भिक्षु द्वारा प्रकाशित जुल ॥

मनुष्य या जन्मे सु-संयोग—
अष्टादश लक्षण या ('गुण') वर्णन, वो
पञ्च सु-शील , दु-शील या फल वर्णन



बुद्ध-सम्बत—२४८१
विक्रम-सम्बत—१६६४.

थुगु पुस्तक आपा छापेयानागु मडु,
प्रथम संस्करण सिर्फ—१७८ मात्र,

प्रज्ञाचैत्य महाविहार, तृपाई—कालिम्पोङ्ग,

प्रकाशक—(श्री महाप्रज्ञा भिक्षु,
प्रज्ञाअमृत श्रामणे

॥१॥

नमो बुद्धाय । नमो धर्माय । नमो संघाय । नमो रत्नत्रयाय ॥

बुद्ध, धर्म, संघ रत्न, गुरु, माता पिता थुली । पञ्च गुण मने ल्खीका, पञ्च अङ्ग नमोनमः ॥ संसारे ध्व महाभा-
ग्य, प्राप्त जूगु नरोत्तम । अष्टादश महा अङ्ग, भाण्ड सार अत्युत्तम ॥ लांगू ठाकू ध्व संयोग, यांगू विचार
थः थमं । मडुहां दीर्घ आयूध्व, ज्ञाना यंकै महायमं ॥ मात्र निह्नु ध्व संसारे, अध्रुव थुगु जीवन । अवश्यं
अहु तोतेना, ध्व धन थन स्त्री जन ॥ अनित्य विषयाशक्ते, व्यर्थ जन्म फुके मते । खड्कि अष्टादश ज्ञान,
अविचारेह ज्योनते ॥ त्रिचर लोक प्राणिपीं जलवो, थलवो, नमे । दृश्य पीहे मडुसंख्या अदृश्यला अभाषणी ॥

॥२॥

ननन्त प्राणिणी मध्ये, दुर्लभ नरया भव । धुजागु नरया जन्म, शून्यकल्पे थ्व निष्फल ॥ जन्म पात्त महापाप,
ज्ञानाऽभवं थ्व सत्त्वरी । एकवीजं पञ्चसत, कर्माकर्म दईफल ॥ भोगयायां पापकर्म, पुनः पुनः प्रवर्द्धनी । गुठलेजक
नरलोके, प्राप्तज्वी नर-उत्तम ॥ अतिकं दुर्लभ जाति, ज्ञानशक्ति मनुष्यजा । महापुण्यं-महायोग, लागुह्ने । नर
उत्तम ॥ सीके थः तथमं ज्ञानं, प्रथम-नर-लक्षण ॥१॥ धुजागु नरया जन्म, शून्यकल्पे थ्व निष्फल । शून्यकल्पे
थ्वहेजाति, प्राप्तजूसां थ्व निष्फल ॥ शून्यकल्प मखुत्राजा, बुद्धधर्म प्रसिद्धगू । बुद्धधर्म युक्तकाले, जन्मजूगु
सुलक्षण ॥२॥ धुजागु कल्पया वरुते, जूसां नरया जन्म थ्व । अधर्मी नरया देशे, नरजूसां व निष्फल ॥

॥३॥

सुधर्मी नरया देशे, जन्मज्वीगु सुलक्षण ॥३॥ महापुण्यं विना लोके, दुर्लभ नरलक्षण ॥ सुधर्मी नरया देशे
जन्मजूसां मनुष्यया ॥ मिथ्यादृष्टि जाति कुले, जन्मजूसां थ्व निष्फल ॥ यदि सम्यक्दृष्टिकुले, जन्मज्वीगु सु
लक्षण ॥४॥ सम्यक्दृष्टि कुले जूसां, कां, ख्वां, लाता कुलक्षण ॥ कां, ख्वां, लाता मजूसान, उन्मत्तागु कुलक्षण ॥
कां, ख्वां, लाता, वें स्वभाव, मज्वीगू शुभलक्षण ॥५॥ धुजागु-गुणसम्पूर्ण, जुल धासां परं अपि ॥ धर्मे श्रद्धा अ
नुत्पन्नं, उक्तलक्षण निष्फल ॥ यदि धर्मे युक्तश्रद्धा, सुफल जुल लक्षण ॥६॥ श्रद्धादुगु चित्त जूसां, मदुगु जुल
फुर्सत ॥ श्रद्धादुथें देगु फुर्सत्, महापुण्य सुलक्षण ॥७॥ यदि फुर्सत् दुगु जूसां, लज्यायाना हटेजुई ॥ लज्याद्वारा

॥४॥

धर्मबाधा, दुगु लक्षण वृ निष्फल ॥ धर्मकार्ये लाजनास्ति, ध्वनंलक्षण मानुषे ॥८॥ धर्मकार्ये भय, लज्या, नास्ति
जुसां परंअपि ॥ गृहजाल महामाया, तोतेठाकु कुलक्षण ॥ यदिमाया तोतेपैगु, महासाधु सुलक्षण ॥९॥ माया
तोता धर्मयासां, ज्ञानदायक दुर्लभ ॥ सुआचार्य अधिकाऽल्प, विचारी ज्वीगु थःथुके ॥ कारुणिक, सान्तचित्त
अलोभ तृणोष्ठित ॥ थुजाहा गुरु ज्वी लाभ, महामागी सुलक्षण ॥१०॥ गुणरूपगुरुलाभ, जुहेजुसां परंअपि
॥ गुरुं व्यगु कृपाबोध, दुःखभाषा बिसे वनी ॥ गुरुरागु बोधवाक्यं, यदि बोधजुया गुह्य ॥ जिजा पापी सदा
रोगी, भेषय थ्व गुरुकृपा ॥ भाषा चित्ते बोधज्वीगु, थ्व गुणजुल-लक्षण ॥११॥ यदिबोधज्वीह जुसां, मगावंज्ञान

॥५॥

या मणि ॥ वियोग गुरु वो शिष्य, ज्वीगु ह्वै सो कुलक्षण ॥ रोगं वा कलह द्वारा, ज्वीगु वियोग सम्भव ॥
धर्मसङ्घ द्वेषारोपं, गुरुतोता बिसेवनी ॥ धार्मिकं थुकिया निम्ति, स्मृति तेगु महापथे ॥ न्यागु जूसां क्षेमि
भावं, पूर्णज्वीगु सुलक्षण ॥१२॥ यदिक्षेमी जुहेजुसां, गुरुदोष खना वयी ॥ गुरुप्रति जुया वादी, जिहेत्यात
थ्व भालपो ॥ चोतबो गुरुरागु चित्ते, लोमङ्का गुरुरागु गुण ॥ गुह्य गुरु-कृपा द्वारा, लागुज्ञान महोत्तम ॥ वहे
ज्ञान-शस्त्रज्वना, गुरुनाप महाबलं ॥ संग्रामादि महाक्रोधं, ल्वाङ्गु थ्व कुलक्षण ॥ गुरुगुणे कृतज्ञता, यदिदेगु
सुलक्षण ॥१३॥ आः थुके कृतज्ञ जूसां प्रव्रज्या अतिदुर्लभ ॥ प्रव्रज्यात्त्व लाभज्वीगु, अहो? धन्दे सुलक्षण ॥

१४॥ प्रव्रज्याहे लाभजूसां, गुरुज्वीगु हथींजुई ॥ विना योगं बोधिज्ञान, लांगु जा अतिदुर्लभ ॥ गुरुजुया चर्यातोता, ज्वीगु जा थ्व भयङ्कर ॥ गुरुज्वीगु इच्छा तोता, योगी ज्वीगु सुलक्षण ॥१५॥ योगयासां कृष्णबन्धु ब्रलीजुया महाबलं ॥ राग, द्वेष, मोह द्वारा, अष्टज्वीगु दु सम्भव ॥ विना चित्ते स्मृतिज्ञानं, मार त्याकेगु दुष्कर ॥ इच्छा, क्रोध, स्त्यानमृद, चञ्चलचित्त, संशय ॥ इति पञ्चमार पापी, निर्वाणे मार्गबाधक ॥ यदिमार पञ्चपापी, सुचित्तं जुई मोचन ॥ त्याके फेगु पञ्चमार, थ्वहे मूलसुलक्षण ॥१६॥ ज्ञानी जुया सत्त्वपिन्तः, ज्ञानदान वियाजुई ॥ जुया वैगु धर्मवृद्धि, जगते शुभ मङ्गल ॥ मेघंमुक्त चन्द्रकान्ति, सुखी शान्ति सुलक्षण ॥१७॥ तृष्णाक्लेश मूलत्याग,

पुनर्जन्म जुई क्षय ॥ महायोगी, महाज्ञानी, महाप्रज्ञा, महातपी ॥ देहान्ते ज्वीगु निर्वाण, अष्टादश सुलक्षण ॥१८॥ थुलि थ्व मनुष्यमात्रं, दर्शनीय विचारनं ॥ थःके थमं सुविचारं, स्वेगु लक्षण गुलिदत्त ॥ दक्केसनं बढेयांगु, मयांगु गुबलें घटे ॥ अप्राप्ते प्राप्त प्रणीधि, क्रमशः जुई पूर्णता ॥ दैगुमखु अन्यजाति, लक्षण-गुणवानपी ॥ केवल नर या जाति मात्रदु सुभलक्षण ॥ ज्ञानदेका, स्मृति तथा, प्रतिज्ञा, बल-वीर्यनं ॥ चर्या यासा मात्र दैगु नत्र दुर्लभ लक्षण ॥ यासा मज्जीमखु, धाथें नरजन्मे सुसंरुत ॥ अन्यलोके यांगु धांगु, धाथें अन्धा-कुदृष्टिगु फयां-फच्छि थ्वहेजन्मे पूर्णयांगु सुचिन्तिय ॥ मफुसां फकनी यांगु, बाकी क्रमशः पूर्णज्वी ॥ बनेच्वंहा धुं मन्या

॥८॥ वं, धुँ मनेच्वंहरसें नयी ॥ थुगुज्ञान थनाचित्ते, ज्वीमते ग्लानि-आलसी ॥ थुगुज्ञान लुमंकेतः, थुगुपाठ हिया
ह्मिथं ॥ अखण्ड गुह्यसें, पाठे तैगुवीर्य महाबलं ॥ उहसयाचित्त धर्मे अप्रमादी जुयीजुल ॥ थ्वीका-खंका महा
प्रज्ञां सुलेख-सुकृति कृतं ॥

इति अष्टादश लक्षण गुणवर्णना जगत हितार्थाय, लोकोत्तर सोपान; श्री महाप्रज्ञा भिक्षु, वो प्रज्ञाअमृत श्राम-
णेर निहजाना; बुद्धसम्बत-२४८१ ।, विक्रम सम्बत-१६६४ ।, साले हिमालय कालिम्पोङ्ग लुपार्डस प्रज्ञा
चैत्य महाविहार स च्वंसे आपेयाना भक्तजन पित्तः इनावियागु जुल ॥ सर्वमङ्गलं भवतु;

॥९॥

इति अष्टादशज्ञान, स्मृति तेगु सदामने ॥ सीका अष्टादश ज्ञान, करणीय सदाशुभ ॥ बुद्धो पदेशित धर्मे, प्रथमं
थुगु मूलगु ॥ पञ्चअङ्ग महाशील, आनन्द सुखशान्तता ॥ अहिंसा परमो धर्म, आयुदीर्घ महाफल ॥१॥ अदत्त
दानया त्यागं, स्वधने शुभ मङ्गल ॥२॥ सन्तोष-स्वपत्नीस, परस्त्री त्यागनं थन ॥३॥ मिथ्यावादी महापाप, सर्व-
दाहे सुसंवर ॥४॥ सुरापान आदिपञ्च, असेवनीय मानुषं ॥५॥ इती पञ्च महाशील, याइगु-गुह्य मानुषं ॥ अ-
वश्यं उहसया नाम, बुद्ध पुत्र कुलेष्ठित ॥ बुद्धो पदेशित धर्मे, यदि श्रद्धा विहीनज्वी ॥ दुःख वृद्धि
सुख नास्ति, भयं भैरव सर्वदा ॥ पञ्च दुःशील यागु कर्म विपाक—

॥१०॥

प्राणीत श्याना सनाजूह व्यक्ति । अवश्यं वमूर्खं थमं भोग यायी ॥ शरीरे स्वकाये गुली थःत योगु । अथेहे
थ्व लोके फुक प्राणि पिंगु ॥ योगु वजीवे, पर प्राणि पिंगु । हिंसा सुनां याइ, उह्मनं अवश्यं ॥ विपाक भोगं
जुयी कष्ट थःनं । नाना प्रकारं जुयी दीन दुःखी ॥ गुली प्रेम भावं तयागु स्वकाय । अहो! प्राणि हिंसा, जुई
दुःख हा! हा! ॥ ज्वीगु स्वकाये बल वीर्यहीन । रोगीजुया वो जुयी दुःखि दीन ॥ प्राणीत श्याना सनाजूगु
निम्ति । कर्मानुसारं जुयी दैव शक्ति ॥ गथे व प्राणीत जिवे कष्ट बील । अथेहे स्व जीवे रोग कष्ट पीड़ ॥
कदापी वचित्ते सुख शान्ति नास्ति । भयं भीड़ जुया नयीगु व शास्ति ॥ श्याःवैगु पाःवैगु थ्वफुक कर्म । त्यासा

॥११॥

प्वीकैगु दैवैगु धर्म ॥ प्राणीत जीवे दुःख कष्ट व्यूगु । थःगु जिवेनं जुई कष्ट धागु ॥ जापींव पसु-पत्ति फाया
श्यागु । थःनं अवश्यं कर्मानुसारी ॥ पर प्राणि जीवे व्यूगुव कष्ट । थःगु जिवेनं ज्वीगुव नष्ट ॥ तस्मात् भो
क! पर प्राण घाट । थःगु जिवेथें करुणाति आत ॥ दुःखादि कष्टैगु जिवे पीड़ ज्वीगु ॥ दुराचार कार्ये सुख
शान्ति प्वीगु ॥ इति प्राणिहिंसा या कर्मफल वर्णन संक्षिप्त समाप्तम् शुभम् ॥१॥



अदत्तादान यागु कर्म विपाक—

पर वस्तु प्रेमजुया च्वंगु, खुइगु चितं कयायनी । दुःखज्वीका लोक या चित्ते, स्थेमकार्य सना जुयी ॥ थमंयथा
हरण पर द्रव्य, तथा निश्चय दयी फल । उग्वकर्म दुःखज्वी थःतः धने हानी दरिद्रता ॥ पर द्रव्य कायिगु काले,
खन धासा महा भय । प्रहारं कष्टवी लोकं, राज दण्डादि बन्धन ॥ खुँ, धका नाम ज्वी लोके, मान इज्जत नाश-
ज्वी । कदापि सुखज्वी धांगु, नास्ति जुया सिना वनी ॥ सिनानं नर्कया बास, दीर्घ काल महा दुखी । महाकष्ट
महाशाष्टि, महाशोक सदामने ॥ तस्मात् खुइगु कार्य तोता, तेगु शीले सदामन । पञ्चशीले च्वंगु व्यक्ति, पुण्य

कार्यं सदा सुखी ॥२॥

इति अदत्तादान या कर्म फल वर्णन संक्षिप्त समाप्तम् शुभम् ॥



व्यभिचारी यागु कर्म विपाक —

परस्त्री गमन या जूझ, पत्नि वर्त विनाशन । गुह्यस्त्रीया स्वामिया चित्ते, पत्निहेतुं सपीडित ॥ बृद्धि ज्वी सत्रु-
यारासी, सदाचित्ते अशान्तता । सदामयं व्याप्त ज्वी चित्ते, व्यभिचारीह्य व्यक्तिया ॥ रोग ज्वी अकर्मया हेतुं,
गुह्य रोग अभाषणी, । समनं वैद्यया न्योने, हित्तुहीका कनाच्चनी ॥ परजनं याइगु निन्दा, दया माया मत्तः भ-
ति । ह्लिच्छि ह्लिच्छि, चच्छि चच्छि, हृदये तापं पुना च्वनी ॥ ज्ञान बुद्धि हीन ज्वीक, स्त्रीया रूप लुया च्वनी

॥१४॥

नेगू त्वनेगू त्याग याना, धावा ज्वीगु कठं कठं ॥ कामया राग जग्रीत, यदानरी लुई मने । सुमन भाव हृदय सं
प्राप्त नास्ति, सदामल ॥ सुकर्म फलज्वी नास्ति, सदाकामं महादुखी । परस्त्री भ्रष्ट याज्वीह, थःहस्त्रीनं तथा-
अन ॥ गृह लक्ष्मी पति भ्रष्टं, गृह नाश जुया वनी । इन्द्रिये मदु सम्भल, रात्रि गल्लीं हिला जुई ॥ “खु
लाऽथवा व्यभिचारोला?”, धका अन्यं तयो मने । सोका खंका परजनं, ज्वना शाष्टि व दुःखवी यना थानां
दण्ड वा फण्ड, याइ निश्चय सोकि ह्मां । मृत्यु पश्चात भव तिर्येके, तस्मात् परस्त्री असेवन ॥३॥

इति वमि चारीया कर्म फल वर्ण संक्षिप्त समाप्तम् शुभम् ॥

॥१५॥

मिथ्या वादीयागु कर्म विपाक —

मिथ्यावादी ह्मया चित्ते, शुद्ध चित्त सु दुर्लभ । वचन वो मनया भाव, असमान जुयी गुह्य ॥ याइगू भाषणमि-
थ्या, हित्तु हीका कुचित्तनं । जुइगु न्यंह्मया चित्ते, खःगु धार्थे थ्व भालपा ॥ अनज्वी सुं प्राणिया हानी, थुगु
पाप सुनां कवी । अवश्यं भूठ बादिहे, भोग यायी, विपाक थो ॥ यदि नरं भूठ धका स्यूसां, मिथ्यावादी धका
सियू । लिपते वं खःगुहे धाःसां, ज्वीमखु निश्चयः—मने ॥ वाक सिद्धि हीन जुया भं भं, लोके व निन्दित ।
पश्चाते दुःखज्वी चित्ते, धंसां दंसां अशान्तता ॥ उगु चित्ते ज्ञानया दृष्टि, ज्वीगु नास्ति थ्व निश्चयः । देहतो-

॥१६॥ ता मृत्युया काले, नर्क वासं महा दुखी ॥ मिथ्या वादी गुह्य नर, सर्व पापं व पूर्णता । तस्मात् मिथ्या अभाव-
णी, सर्व शास्त्र प्रमाण दु ॥ इति मिथ्या वादी यागु कर्मफल वर्णन संचित समाप्तम् शुभम् ॥



सुरा पान यागु कर्म विपाक —

मद्य पान महा अन्धा, होस ज्ञानादि नाशक । पण्डितं हे मनची ठाकु, मूर्ख यातः छुधंगु दु ? ॥ मद्य पानत्वना
जूझ, वैतः धंगु ? जिमस्यू । पुण्य, पाप, मस्यू चित्तं, सुख दुःखे दुना च्वन ॥ सुरा पानं पूण्य या नाम, ना-

॥१७॥

म, नास्ति जुया व दुःखसी । धर्मे हानी, कलह बीज, मान इज्जत विनाशक ॥ अज्ञानं दुन पापे सो, मद्य पानं
निथी-स्वथी । दुर्लभः नरया जन्म, सुरा पानं फुका छ्वत । यदि सुरा पान यां दःसा, स-चिकंगु प्रदीपथें ॥
यदी सुरा पान यां मदुसा, अ-चिकंगु प्रदीपथें । उह्य नरं ज्ञानिणीं पण्डित्, खन धासां मखं पह ॥ नापं मद्य-
पान या जीपीं, मखं कं मन जा मच्चं । पलिया फुत आभरण, गृह, जत्र सुधां फुत ॥ धन नाशं बनया वास, कां
छे, छुई थ्यङ्क मानहीन् । ऋण कयंका, नामनं श्यंका, अष्ट कार्यं महा दुखी ॥ अहो ! दुःख, अहो ! शोक, मूर्खाचार
भयङ्कर । भो लोक ! थुगु शील पञ्च, यांगु पालन श्रेष्ठता ॥

॥१८॥

इति सुरापान यागु कर्म फल वर्णन संक्षिप्त समाप्तम् शुभम् ॥



शील संग्रह —

बुद्धया अंश फुका हेगु वंश, हिंसादि कर्म जुया वैगु ध्वंश । बुद्धया धर्मे निश्चय जूसा, शुद्धगु कर्म गना तःगु
हिंसा ॥ अदत्तदानं पर यात दुःख, दुःख व्यूह यातः गथे जुइ सुख । व्यभिचार याह, अविचार जूह, जिं का
धका धाह, पर दार सेवी ॥ झूठ वादी जुया, खँ ह्माइगु खुया, हितु मतु हियका, पर यातः छुया । त्वने यातः

॥१९॥

निस्सा, अंश कायि हिस्सा, व्यर्थ आयु फुकेतः कना ज्वीगु किस्सा ॥ वया चित्त हील, पाल मया शील, दान
यंगु इच्छा, मज्ज सम तील । 'शील' नाम हीन, जुई दुःखी दीन, लिपातस नर्के मन जुई खीण ॥

इति शील संग्रह समाप्तम् शुभम् ॥

पुनर्वार

कर्म शुद्धि थुगु शील न्याता, धर्म चित्त, महाफल । काय, वाक, मनया पाप, पवीगु निश्चय दुष्कृत ॥ पञ्च शीले
दुह ज्वी श्रद्धा, पुण्यवान महा सुखो । पञ्च शीले मन या ज्ञान, स्यूह व्यक्ति नरोत्तम ॥ बृद्धि ज्वी उहसया भं

॥२०॥

भं, पुण्य-ज्ञान पुनः पुनः । गुह्यनरं थुगु शील पञ्च, समाचारी ह्य सर्वदा ॥ वहेखः बुद्ध या पुत्र, पाप वर्ग सु-
मुक्तम्ह । थःगु पुण्यं थःत सुख, मरणान्ते सं महासुखो ॥ इति पञ्च शील या वणन समाप्तम् शुभम् ॥
थुली अष्टादश लक्षण वो पञ्चशील वो पञ्चदुःशील या कर्म विपाक वो संक्षिप्त हिसापं समाप्त जुल ॥
शुद्धो वा अशुद्धो मम दोष नदीयते ॥

लेखक —

श्री महा प्रज्ञा भिक्षु — प्रज्ञा चैत्य महा विहार, तृपाई दाड़ा, - कालिम्पाङ्ग ॥

॥३५॥

